




**Republika e Kosovës**  
**Republika Kosova - Republic of Kosovo**

**AGJENCIA KUNDËR KORRUPSIONIT**  
**AGENCIJA PROTIV KORUPCIJE**  
**ANTI - CORRUPTION AGENCY**



|                        |                                                                                                          |
|------------------------|----------------------------------------------------------------------------------------------------------|
| DATE/A:                | 22.08.2018                                                                                               |
| REFERENC-Ë:            | <b>AKK- DPKPP /03-03-2415/18</b>                                                                         |
| PËR/ZA/TO:             | z. Xhevdet BUSHI.<br>Menaxher i Zyrës së Prokurim. Komuna e Hani i Elezit                                |
| CC:                    | z. Rufki SUMA<br>Kryetar i Komunës së Hanit Elezit                                                       |
| PËRMES/PREKO/THROUGH:  | z. Shaip HAVOLLI.<br>Drejtor i Agjencisë kundër Korrupsionit                                             |
| NGA/OD/FROM:           | Afrim ATASHI.<br>Drejtor i Departamentit për Parandalimin e Korrupsionit                                 |
| TEMA/SUBJEKAT/SUBJECT: | Opinion lidhur me Tenderin me titull " <b>Pajisjet e kabineteve me mjete mësimore dhe laboratorike</b> " |

**I nderuari z. Bushi,**

Në mbështetje të nenit 142 (par. 3) të Kushtetutës së Republikës së Kosovës, nenit 5 (par. 1, nënpar. 1.1.) dhe 21 të Ligjit nr. 03/L-159 për Agjencinë kundër Korrupsionit, nenit 9 (par. 1, nënpar. 1.5.), 16 (par. 2) dhe 21 (par. 3) të Ligjit nr. 06/L-011 për Parandalimin e Konfliktit të Interesit në Ushtrimin e Funkcionit Publik, nenit 2 par.3 dhe të nenit 10 të Rregullores nr. 01/2018 për ndryshimin dhe plotësimin e Rregullores nr. 01/2014 dhe Rregullores nr. 01/2017, së Punës së Agjencisë kundër Korrupsionit, lidhur me tenderin me titull: "**Pajisjet e kabineteve me mjete mësimore dhe laboratorike**", me numër të prokurimit: 659/18/5671/121, dhe me nr. të brendshëm: KKHE/18/035/121, Agjencia kundër Korrupsionit ofron këtë:

### O P I N I O N

Me të cilin kërkohet nga ju si Autoritet kontraktues që t'i ndërmerrni të gjitha veprimet e nevojshme drejt evitimit të shkeljeve të evidentuara në lidhje me tenderin: "**Pajisjet e kabineteve me mjete mësimore dhe laboratorike**", me numër të prokurimit: 659/18/5671/121, në mënyrë që të respektohen dispozitat përkatëse të Ligjit për prokurimin publik nr.04-L/042 i plotësuar dhe ndryshuar me Ligjin nr.04/L -237, Ligjin nr. 05/L-068 dhe Ligjin nr. 05/L-092.



## *Arsyetimi*

Agjencia kundër Korrupsionit (në tekstin e mëtejme Agjencia), duke vepruar sipas detyrës zyrtare pas kontrollimit të njoftimeve për kontratë që ka bërë në Sistemin elektronik të Prokurimit, me datë 15 gusht 2018, ka nxjerrë vendim me numër protokolli: *AKK-03-03-2415/18*, për fillimin e procedurës për trajtimin e rastit në lidhje me aktivitetin e prokurimit publik me titull: **"Pajisjet e kabineteve me mjete mësimore dhe laboratorike"**, me numër të prokurimit: 659/18/5671/121, i iniciuar nga Autoriteti kontraktues Komuna e Hanit Elezit.

Agjencia në bazë të dokumenteve të nxjerra nga Sistemi Elektronik i Prokurimit ka analizuar njoftimin për kontratë dhe dosjen e tenderit, ku ka konstatuar se autoriteti kontraktues, për këtë aktivitet të prokurimit ka paraparë procedurën e hapur, kontratë publike të llojit furnizim me, me vlerë të mesme të parashikuar prej 20, 000.00 €.

Agjencia në bazë të dokumenteve të nxjerra nga platforma ***E-Prokurimi*** ka vërejtur se në njoftimin për kontratë dhe dosjen e tenderit, në nenin III.2.4) Kapaciteti teknik dhe profesional, autoriteti kontraktues ka kërkuar që ***operatori duhet të ofroj dëshmi të kënaqshme të kryerjes së furnizimeve të njëjta për 3 vitet e fundit së paku 2 me vlerë min. 28,500.00 Euro***. Kërkesë kjo për të cilën konsiderojmë se bie ndeshë me nenin 69 Ligjit në fuqi për Prokurimi Publik.

Sipas Legjislacioni në fuqi për Prokurim Publik më saktësisht në nenin 69 paragrafi 2.1 parashihet "Për të vërtetuar aftësitë teknike dhe profesionale të operatorëve ekonomik, autoriteti kontraktues mund të kërkojë listën me të cilën specifikohen të gjitha furnizimet kryesore të rëndësishme të operatorit ekonomik të realizuara në tri vitet e shkuara, duke saktësuar produktet e furnizuara, shumën e kontratës, datën dhe pranuesit: (i) kur furnizimi është bërë për një autoritet publik në Kosovë ose në një vend tjetër, për dëshmi të këtij livrimi shërben kopja e certifikatës (certifikatave) të rëndësishme të lëshuar ose të bashkë nënshkruara nga autoriteti i tillë; (ii) kur furnizimi është bërë për një blerës privat, për dëshmi të këtij livrimi shërben kopja e çdo dokumenti të nënshkruar nga blerësi dhe evidentimi i livrimit të tillë;

Pra në këtë rast do duhej të kërkohej lista e kontratave bashkangjitur si dëshmi referencat mbi përfundimin e kontratave në vlerë totale të gjitha referencave të furnizimeve të ngjashme të realizuara në tri vitet e fundit para publikimit të njoftimit për kontratë e jo si në rastin konkret ku është kufizuar numri i referencave në vlerën e caktuar.

Konsiderojmë se veprimet e tilla si në rastin konkret e kufizojnë konkurrencën e lirë dhe diskriminojnë operatorët ekonomik të cilët mund të ofrojnë shërbime të ngjashme, andaj, autoriteti kontraktues duhet të këtë kujdes që të caktoj kërkesa minimale të kualifikimit.



Duke u bazuar në nenin 18.4 të Rregullave dhe Udhëzuesit Operativ për Prokurimin Publik parashihet që në dosjen e tenderit Autoriteti kontraktues do të deklaron të gjitha informatat relevante për kontratën në fjalë që operatorët ekonomik të interesuar duhet të dinë për përgatitjen e tenderëve pa kërkuar informata shtesë. Informata të tilla do të përfshijnë të gjitha specifikimet, kërkesat, kriteret, afatet kohore, metodologjitë, kushtet e kontratës, vizitat në lokacion ose takime para-tenderuese etj. të lidhura me procedurat e dhënies së kontratës. Çdo fjali në dosjen e tenderit do të përpilohet mirë, pasi që dosja e tenderit është materiali themelor, në bazë të cilit operatorët ekonomik do të krijojnë tenderët e tyre. Dosja e tenderit do të përgatitet në mënyrë të tillë, që si rregull parimor të mos ketë nevojë për informata sqaruese shtesë. Veçanërisht, Autoriteti kontraktues duhet të ketë parasysh, kur përgatitet dosja e tenderit, që mos të ketë komunikime, diskutime ose negociime në mes të autoritetit kontraktues dhe tenderuesve. Kërkesat e përcaktuara në dosjen e tenderit dhe në njoftimin për kontratë duhet të jenë identike

Agjenci kundër Korrupsion, konsideron se veprimet e autoritetit kontraktues bien ndesh me nenin 7 Barazia në trajtim dhe jo-diskriminimi, nenin 27 Dosja e tenderit, si dhe nenin 69 Aftësitë teknike dhe profesionale të Ligjit për Prokurim Publik Nr.04/L-042, i ndryshuar dhe plotësuar me Ligjin Nr. 04/L-237, Ligjin Nr. 05/L-068 dhe Ligjin Nr. 05/L-092, nenin 18.4 dhe nenin 26.8 të Rregullave dhe Udhëzuesit Operativ për Prokurimin Publik.

Konsiderojmë se shkeljet e tilla nuk duhet lejuar në aktivitete të prokurimit, andaj Agjencia kundër Korrupsion rekomandon që të evitohen këto shkelje, përmes njoftimit standard për informata shtesë dhe përmirësimin e gabimeve, duke i njoftuar të gjithë operatorët ekonomik të cilët e kanë tërhequr dosjen e tenderit.

Po ashtu ju njoftojmë se lidhur me këto të gjetura do të njoftohet Komisioni Rregullativ i Prokurimit Publik – KRPP.

Autoritetet Kontraktuese e informojnë Agjencinë për veprimet e ndërmarra.

***Me respekt !***